



Provincia Romana

[urn:nbn:de:hbz:466:1-66816](#)

PROVINCIA ROMANA

Domiciliorum in Romana Prouincia numerus idem qui superiore anno. So-
cū autem quingenti circiter ac nona-
ginta. In Domo Professa centum. In
Romano Collegio centum & octogin-
ta. In Domo Probationis octoginta.
In Lauretano Collegio quadraginta. In Seminario Ro-
mano triginta. In Collegio Florentino tres & viginti.
In Perusino viginti: totidem in Penitentiariæ. In Ma-
ceratensi septendecim. In Senensi quindecim. In Reci-
netensi quattuordecim. In Collegio Germanico trede-
cim. Undecim in Anglicano. In Tyburtino nouem. In
Illyrico, & Amerino, & Tusculana sede in singulis se-
m. Admissi sunt in Societatem quattuor & quinqua-
ginta. Morte amissi quattuordecim.

DOMVS PROFESSA ET Collegium Romanum.

ATque ut ab ea Domo capiamus exordium, unde
omnis Societas ortum habet, Hoc anno demum
excelsa Farnesiani templi moles absoluta est: cumq-
proximis annis pars duntaxat ædis usui esset, ne qua-
quam nostris fatis apta muneribus; nunc in suam am-
plitudinem patefacta, maiorem nobis aperit campum
bene merendi de proximis. Vnum desiderari videba-
tur ad commendationem nouæ Basilicæ, ut quemad-

A 4 mg-

8 PROVINCIA

modum carentibus est exornata lapidibus; ita sanctorum Reliquijs tamquā gemmis illustraretur. Quidquidem à summo Pont. pro ea qua est in nostrum ordinem voluntate facile est impetratum. itaque eius iussu BB. Martyrum Abundij & Abundantij corpora è SS. Cosmi & Damiani basilica in ædem nostram ingenti ciuitatis lætitia celebreque pompa translati sunt. Quæ res quoniam in eorum Martyrum vita, quæ non ita pridem edita est, accurate describitur; nos eius narratione supersedeimus. Idem Pontifex Max. cū per astiuos calores ad D. Marci de more versaretur, incidissetque dies B. Virginis Assumptioni sacer, quo die sacrorum solemnia in sacello Pontificio celebrantur; ædem nostram, quæ cum D. Marci penè contineat, ad eum agendum celebrandumque diem sibi delegit. itaque tum primum in ara maxima magnifico extorta opere sacrificari cœptum est. Aderat Cardinalem corona ceteraque Pontificalis curiae pompa; multitudo vero tanta, quantam noui templi facies, & nouus ille confessus allegerat. Magna sane est habenda gratia Farnesio Cardinali, cuius summam liberalitatem cum semper experti sumus in tanti operis molitione, tum hoc anno ad eius operis absolutionem sepient ab eo scutatorum millibus donati sumus. Nec desunt alij, qui præcipuo quodam liberalitatis studio huic templo munera deferant: præcipueq. unus solido ex argento lampadam eximio opere elaboratam dono dedidit. Quod ad animarum fructum pertinet, si Pœnitentium numero metienda res est, satis est argumenti operam in hac domo non inutiliter collocatam, ubi quin-

genit amplius repetita ab inēunte etate peccata per confessionem expiarunt. Quibusdam etiam adiumento nostri fuerunt, ut huius viræ spretis illecebris sua studia Societati dicarent. qui quoniam magnis quibusdā sunt instructi præsidij ad res præclare gerendas, multum in ea re lucri existimatur fecisse Societas. Nimirum compensanda iactura fuit, quæ è P. Ioannis Mal donati interitu facta est. qui propter eximiam virtutem ac reconditam sapientiam maximum apud omnes suū desiderium reliquit. De professorum domicilio sat. quimquam illud quoque videtur buc facere, quod Carthusianæ familie magister ad nostrum P. Generalem litteras dedit religiosæ charitatis plenas, quibus à Patre petebat, ut pristina inter suum & nostrum ordinem amicitia renouaretur, eaque publicis testata codicillis posteriorum memoriæ commendaretur. Rescripsit ad eas litteras Pater & per honorificum diploma dedit, quo meritorum communionem Societatemq. inter utrumque ordinem confirmabat.

In Romano Collegio idē hoc anno rerū cursus. Scholæ noui expectatione Gymnasi magna auditorum frequentia & nobilitate sunt auctæ. Quo tempore Beatorum illorum corpora, quos supra nominaui in Professorum templum transferebantur; Nostri, quoniam ante Collegium pompa illa traducenda erat, ut eos Beatos litterarum etiam munusculis honorarent, vniuersam Collegij faciem tum varietate ac copia carminis tum alijs artis ingenijq. operibus exornarunt. Magna ad spectaculi nouitatem multitudo concurrit. & verò latior res fuit quam quæ posset oratione depingi.

E Gym-

10 PROVINCIA

E Gymnasio atque è Sodalitio Dei Matris tum in Societatem sunt recepti non nulli, tum alij ad alias familias cœnobiaq. dimissi. In his adolescens claro locutus, & cum philosophia perpolitus in primis, tum claris quibusdam naturæ donis ornatus, is cum Societatis cupiditate flagraret diu multumq. iactatus est à domesticis, ut quo diuturnior esset cum parentibus pugna, eo virtus redderetur illustrior. Sed quoniā sponsione voti sese obligauerat Deo, Patres & ne quid discriminis in medijs fluctibus tenera etas adiret, & ut omnem à se suspicionem inducti iuuenis remouerent; redditā ei votorum formula, quam in scriptis acceperant, pro iure potestateq. sibi concessa ab omni eum sponsione liberarunt. Ille vero non modo liberari se nō est passus, sed paucis post diebus tanto arctius votū se religionis obstrinxit, schedula m̄q. retulit eam, quæ votorum formulam cum renouata sponsione contineret.

Diem sibi parentes sumperant satis laxam ad explorandam, vi illi aiebant, adolescentis constantiā, vt alij interpretabantur, ad infirmandam ac labefactandam. Sed tantum abest, vt is aliquid de suo ardore studioque remiserit, vt deuictis iterum diuturna pugna parentibus ad Novitiorum domum duplicata gloria reuerterit.

Missi sunt ex hoc Collegio non nulli in agrum Picenū Episcopi Camertini rogatu, qui suam in eo agro dioecesim habet. Ac cū alijs rebus, tum tradendis Christiane disciplinæ præceptis perutiliter laborarūt. accipiebantur quibusdam locis tam auditis animis, vt ad eorum aduentum pulsarentur æra campana, publica-

que

que edicta fierent, ut intermissis ludis ad Catechismū se quisque conferret. Lustrata sunt præcipuæ Recinetum ac Tolentinum: sed è finitimiis pagis paganorum veniebat caterua hanc vnam ob causam, ut Christianæ legis præceptis imbuerentur. Habebantur doctrinæ conuentus primis fere tenebris cum vulgus opificum ab opere conquieuit. templum plurimo lumine collubabat, auditoribus ita refertum, ut nocturna Natalis Christi celebritas videretur. His rebus vbi nostri fuerunt, mirum quantum sibi omnium animos adiunxerunt, itaque egre illi diuellebantur à nostris: quin etiam ea fuit in digressu vis lacrimarum ac precum, ut nisi ante lucanis horis nostri discederent, cogerentur morari diutius.

DOMVS PROBATIONIS ET
Pœnitentiariorum.

A ceßerunt ad Societatem in hac domo varijs è nationibus quattuor & quinquaginta: atque in his multi doctrina, nobilitate, virtuteq. præstantes. Vincentius Ducus Terræ nouæ, eiusdem Mediolanensis Gubernatoris filius Societatis ineundæ consilio simul ac Romanum attigit, vna cum Duce militum rerum peritiissimo ac probatissimo, tribusque famulis ad D. Andreæ recta contendit. P. Generalis ne quid eius parentem offendiceret, noluit hominem nisi ab eo potest asefacta recipere. Dum responsum expectatur adolescentis apud nos diuersans ex maris & uineris afflictione pericolosum in morbum incidit. Id vbi Farne-

suis

12 PROVINCIA

sius Cardinalis rescivit pro ea, quæ illi cum eius parete necessitudine intercedit, & quo commodius curaretur in palatium suum abducere summa ope causus est. peruicit tamen Vincetij constantia præseruum medicorum nixa consilio ne loco moueretur. Cardinalis peristromatis conuestiri cubiculum eoq. suum letum deferri iussit, & peritos medicos ventitare. Verum cum placita esset Deo anima illius raptus est nemalitia immutaret cor eius. itaque paucis diebus elatus in Professorum domo tamquam Societatis nominis sepulturæ mandatur. Dux autem eius Pater eodem fere tempore, & de consilio & de obitu filij certior factus, non modo domesticum vulnus sapiens moderateq. tulit, sed plurimū etiam se Societati debere per litteras significauit. Ille vero Dux militū de quo diximus Societati sese adiunxit. E servis unus adhuc Turca cum simul cum domino ægrotaret, nec in ipso morbo christianus ut fieret adduci posset; tandem fratrum nostrorum qui illi aderant humanitate & scilicet fusis ad Deum precibus emollitus Christiana sacra suscepit. Vir nobilis præcipuoq. muneri in Romana Curia præpositus, data à Pontifice Max. potestate ad Societatem nostram se contulit: is præclara præbet ceteris documenta virtutis: homo delicate enutritus singulares commoditates fugit, & Sacerdos ac bene doctus cum sit demissione ceteros vincit: obsoletis induit vestibus stipem corrogat: idq. in celeberrima nonnumquam trapezitarum via ubi notissimus erat non sine suorum lacrimis ac rubore. denique nihil est in nouitorum vita tam humile; nullum tam leue munus, quod

quod studiose & cumulate non expleat. Multi sunt
huiusmodi, qui repudiatis vitæ cōmodis nudi ad vexil
lū Christi Crucis aduolant; sed quia non est satis fun
damēta iecisse, nisi inchoato operi fastigium imponas,
optandum à Deo est, ut cuius nutu ædificare cōperūt,
enīdem ope consument. E Societatis meditationibus
magnus & à nostris & ab externis perceptus est fru
ctus; ex quibus unus cum mirifice affectus esset, affir
mavit fore ut Lutherus ipse, si illis commentationibus
veretur ad sanitatem rediret. Andreas Batorius cū
à Rege Poloniæ patruo ad Summū Pont. legaretur,
antequam Pontificem ipsum adiret, ne Cardinalium
& presulum salutationes anteuerterent, hic se con
tulit: ubi quæ est eius ad pietatem prop̄prio vita illa ti
ronum admodum delectatus; etiam sortitionis sanctorū
qua cuiusque mensis primordio fieri solet interesse vo
luit, citariq. de more, ut quem sors tulisset Beatum,
enī ipse colendum susciperet. Hæc domi. Illa foris. Fe
rentillum oppidum est non longe ab urbe distans. hic
Sacerdos cum comite missus magnam è suis laboribus
vilitatē cepit. In agro Ferentillo duo sunt oppida, tam
inter se coniuncta situ, quā disiuncta animis incolarū:
veteres enim inter eos intercessere discordi.e. virumq.
oppidum solo amne discernitur. accedit per id tempus
vi auctus imbribus amnis fluctibus oppositas moles
euerteret ac disūceret. Conuersa vis est aquæ ad alte
rum oppidum tāto cum frugum agrorumq. periculo,
vi ea prohiberi ab incolis nullo modo posset. Pater qui
in aduerso morabatur oppido ad ferendam fratribus
opem populum cohortatus, cum dicendi finem fecisset
ad

14 PROVINCIA

ad coercendam vim fluminis sequi se iussit. Hæc res tantum valuit ad exemplū, ut quamquam gens illa n̄ diximus ab altero oppido veteri odio dissideret; depositiis tamen inimicit̄ sublatisq. in humeros lignorum fascibus ad auxilium pene tota concurrerit. Itaque flos ex materia quæ comportabatur aggeribus collata vis est fluminis in præsētia, ne suo alueo excederet.

E Collegio Pœnitentiariorum quicquid ad proximos utilitatis manat, id totum munus est confessionū. Hæretici tres à corrupta & depravata ad integrum & sinceram religionem traducti sunt. Cœnobita quinque, cum à suis familijs abiecto suauissimo Christiugo turpiter defecissent, ad eas iterum nostrorum horatibus redierunt. Duo autem non infimæ conditionis homines cum per dæmonis fraudem induxit s̄ent in animum alter laqueo, alter fluctibus interire; fraude à nostris patefacta ad meliorem mētem reuocati sunt.

COLLEGIVM GERMANICVM
& Seminarium Romanum.

E Germanorum Collegio tres Romæ ad Societatem aggregati sunt, iisque Theologi omnes. In patriam rediere duodecim; in his Sacerdotes quinque, de quibus omnibus vi item de alijs alias dimissis optimi nuntij perfervuntur ad nos. Summi Pont. in hos Alumnos studium tamquam parentis in filios, & cum eos omnibus fouet officijs, tum die illo qui B. Apollinari sacer est, quoniam Collegij patronus est, in eius templum venit ut sacris adesset. inde migravit in ædes, ubi repen-

te

se se illi obtulit Alumnorū corona, qui linteati omnes et è templo prodierant Pontificis morabantur ingressum. substituit ad id spectaculū Pontifex vna cum Cardinalibus, ex eo que mirificam visus est cepisse animo voluptatem; lætariq. se vehementer signifauit, si Alumnorum numerus augeretur. Quoniam vero d^r summo Pont. & Cardinalibus qui Collegio præsunt vīsum est, vt nemo in illud admittatur, quin aut inter nobiles numeretur aut insignem aliquam ingenij indolem præferat; data est à nostris opera vt huius generis adolescentes potissimum conuocentur. iij iam numerantur ad quadraginta alijque expectabantur in dies. Et quanquam nobilitate à ceteris distinguuntur; omnes tamē eodem cultu corporis, eodemq. victu mirifice gaudent. Nec vero studiū pietatis ceteris cedūt Alumnis, sed plerumq. palmam ipsi præripiunt: tamē si laus hæc non tam horum propria est, quam universorum. Quo tempore Coloniensis ille motus extitit, d^r res Catholica laborare vehementius videbatur, nūquād desitum est frequentandis pijs in vrbe locis, suuēndisq. sua sponte pēnīs felices à Deo rerum exitus comprecari. ad eam rem indicta est de more supplicatio in horas quadraginta distincta. cui non modo frequentes interfuerūt Alumni, sed ad eam quoque ciuitas pene tota conuenit. Sed Alumnorum is erat ardor, vt eorum aliqui certis temporum spatijs non contenti, que cuique ad orandum finiebantur, longiora etiam spatia requirerent; alij vero nudis genibus nudā prementes humum; non nulli asperis induiti cilicijs in precatione persisterent.

E Se-

E Seminario præter eos, qui ad alias familias transferunt ad nostrā adjuncti sunt quinque. Itemq. alius qui Societatem habebat in votis reuocatus à suis, cum ex contracto in itinere morbo diuertisset ad nos, apud eos etiā magna sua cum voluptate tum pietatis significatione decēbit.

SEMINARIVM ANGLICANVM

Esminario Anglicano Sacerdotes septē pari pie tate ac doctrina prædicti in patriam remigrarunt. Pro his septem duos & viginti misit Remerse Collegium, præclaræ indolis adolescentes. In his quendam, qui Martyres in Londinenſi turri, in qua Campianus noster socij q. fuſſe dicuntur, custodire solitus est; quorum meritis ac suffragijs nemo dubitare potest, quin ex hæresum tenebris in quibus ante iacuerat, in luce veritatis emerſerit: cōſlat enim in eos officiosum fuſſe cum muneri illi præfuerit, & cum duceretur ad martyrem, præſtans quoddam potionis genus, paratū à Catholicis, detulisse; nec destituisse eos, cum cōmodum esset, re atque oratione solari: ut mirum videri non debat, si is tandem lucem veritatis affexit, in quem grati esse voluerunt, qui pro veritate ipsa sanguinem profuderunt. Qui vero ad suas sedes remearunt, ita se gerunt, facile ut appareat vel ipsis tacentibus, quae ex disciplina prodierint. Sacerdos quidam vi vita & sanctimonia sanctitati munieris responderet, præter duas preces atque vigilias, tam asperū viuendi genus instituit, ut ipsis hæreticis admirationi esset. Cutem ſibi le-

bilentis ignibus adurebat, & cum nocturnæ quieti sedaret, cratem quandam excogitauit è funibus multiplici nodo contextam, qua lectum suum cubicularē sternet, ut inter cubandum totum corpus inæqualis illa nodorum asperitas cruciaret.

In hunc ipsum annum Gulielmi Harti præclara mors incidit, huius Alumni collegij, & voto tanquam viuis e nostris. Is est unus è duodeuiginti, qui vitam in Anglia pro Catholica religione profuderunt. quæ de re quamquam superioribus annis liber est editus; nos tamen de Harto aliqua etiā præcipua, quæ nondū mandata sunt litteris, complectemur. Hic cum inter suos ciues magno cum animarum lucro annū iam integrum versaretur eiusq. fama tum propter eius concionādī vim, tum propter eximias virtutes in dies magis inter hæreticos percrebesceret, non defuit deseritor aliquis religionis & Catholicis inimicus, qui ei moliretur interitum. Eboracum venit, ubi tum commorabatur Hartus, postulatisq. a Præfecto vrbis ad conquirendum hominem satellitibus, noctu venit ad ædes fores effringit, ædes irrumpt, dormientem, quem querebat, offendit. ad hos strepitus excitatus Hartus rogatusq. de nomine, nomen indicat. Hic confestim littorū turba in eum manus injicit. Ille vero sacerdotij sanctitate fretus Presbyterum se dicit esse, proinde videant etiam atque etiam in quem impetum faciant, si mulq. paulisper facestant rogat, dum vestibus induatur. Inde ad Præfectum vrbis, qui eum ad multam noctem expectabat, adducitur. Rationibus primum atq. argumentis res agitur, quæ cum Hartus perite scien-

B terq.

18 PROVINCIA

terq. dissolueret, vici simq. ea obijceret quæ refelli à
Præfecto nullo modo possent. aduocantur auxilia mi-
nistrorum, qui simili inscitia cum argumentationum
nodos expedire non possent, ad conuicia & maledicu-
confugiunt. Tum ad carcerem trahitur, ubi compedi-
bus catherisq. constrictus multisq. alijs acceptus in
commodis, dies ipsos quattuordecim transgit. Sed De-
cani iussu eductus è carcere per plateas vicosq. tra-
ducitur catheris oneratus, quæ frequenti atritu non
sine ingenti dolore tibias excarnificarunt. Ut hominem
Decanus aspexit compedibus exui iubet, blandaq. ora-
tione ad suam sententiam conatur abducere. Huius
autem argumentorum pondere ita Decanum premere,
ut suæ aduersarios iam tæderet inscitiæ. mutatur sub-
ende, qui dimicationis impetum sustinere queant alijs
alijs hæbetiores. Ergo reducitur in custodiam reus, ut
qui argumentationum laqueis irretiri non potuit, vir-
culis & compedibus constringatur. Cineralia cum ad-
uenissent quo tempore ad comitia Iudices coeūt, pro-
ducitur Hartus, ac de maiestate duobus nominibus po-
stulatur. Primum quod in regnum nescio quas à Pon-
tifice litteras intulisset: Deinde quod sacrificium Mis-
sa fecisset, quod confessiones exceperisset, quod multos
Ecclesiæ Romanae reconciliare studuisse, & ad des-
cretionem animos sollicitasset. Rogatus à Iudice quid ad
huc responderet, Quod ad litteras, inquit, attinet nullas
alias ab verbe curauit nisi quæ fidem facerent sacerdotiū
mei. Itaque caput hoc nihil mihi iure potest obesse.
Quod ad maiestatem pertinet si seruire Deo id est cri-
men Maiestatis, non difficit me in eius sacramentis
admi-

administrandis procurandisq. diuinis, sacerdotis munere functum; sin autem in id crimen incidi quasi ab Regiae imperio disiungere ciuium animos sim conatus, id mibi falso obijcitur, nec tale quicquam in Regiam vñquam meditatus sum. Hic disputationem Iudex orditur sed cum per doctrinam progreedi disputando non posset, suam excusans inscitiam quod iuri non Theologie operam dedisset, iniquissimam pronuntiat de tribunali sententiam, Quoniam Hartus Maiestatis crimen incurrit, videri eum ea pœna dignum, quæ tali criminis proposita sit; vt reus primum patro more suspendatur ad alienationem vñsq. sensuum, deinde spiranti adhuc, intestinis exectis in ignemq. proiectis caput a ceruicibus absindatur, ac demum reliquus truncus disseetur in partes; quarum vnaquæq. feruenti aqua elixa portis oppidi prefigatur. Hanc sententiam magnū populi murmur exceptit, & quia multi suspicabantur, Harium clandestina morte multati*n*i, eum ad carcerem prosequuntur. Cum admoneretur de morte reus, æquo libentiq. animo se mori dixit postulans illud vnum, vt antequam suspenderetur, populum sibi fieret alloquendi potestas. Postero die, qui dies erat neci dictus ad supplicij locum raptatus, ante quam patibulum iuberetur ascendere, graui cauetur edicto ne quis propius ad carnificinam quadraginta pedes accedat. Scandit ille patibulum alacer ex eoq. gratissimam populo disputationem exorsus de miseria hominis, deq. eius creationis causa, interpellatus est a ministris frequenter, nec facta perorādi potestas. Iusfus ab hæreticis supremo illo vitæ tempore vna cum

B 2 ipsi

20 PROVINCIA

ipsis orare. Ne quiquam, inquit, nec enim ex eadem sumus ecclesia. Tum iniecto laqueo carnifex suspensum deturbat è gradibus: cumq. de more accurrerent qui præciso repente laqueo viscera spirantis extraheret; confessim illuc neglecto edicto populus vniuersus irrumpit, ac ne id facerent vobis mettere obseruit. Vix dici potest quantus fuerit populi amor aduersus Hartum quanta eius virtutis opinio, ut etiam certatim vniuersi contenderent, si quis quid posset reliquiarum loco ex eius vel vestibus vel carnibus auferre: quorum aliqui vel ob hanc ipsam causam dedere penas. Due faminæ, quod apud eas frusta quedam ex Harti carnis reperta essent, in eundem illum carcerem in quo Hartus fuerat, detrusæ sunt. Nec defuerunt qui numerata pecunia carnifici imbutas sanguine vestes emerent. Atque hic exitus Harti fuit. Tertium fuit huius Collegij decus Georgius Gilbertus, qui in Societatem antequam moreretur acceptus, iure à nobis videatur exigere, ut de ipso quoq. pauca dicamus. Is simul ac Collegium attigit, ea pietatis documenta dedit, ut non tam missus videretur à Deo ut rude pectus disciplina virtutis excoletet, quam ut suo ad virtutem exemplo ceteros prouocaret. Nam ex quo tempore adolescens in hereticorum sinu educatus cuiusdam nostri Patris opera ad Catholicos se adiunxit, nihil habuit antiquius, quam ut se incorruptæ atq. integræ religionis fautorum exhiberet: siccirco in eo totus erat ut sacerdotes & qui religionis causa coniecti essent in carcerem suis opibus subleuaret. Domus eius dies nōtisq. Catholicis patebat hospitibus. Et cum in Angliam

gliam ex Romano Gallicoue Collegijs aliqui reuertis-
sent, ijs splendida vestimenta, ne in suspicionem veni-
rent hæreticis comparabat; si hec vnde quereret non
haberet, detractis sibi ipse vestibus Catholicos indu-
bat. Sæpe famulari ueste ementitoq. amictu, quo tu-
tius Catholicorum res gereret, vsus est: cum hospitum
numerus augeretur, ne quid cuique deesset, suo se cu-
bili fraudabat. Bona, fortunæq. eius erant veluti com-
mune quoddam Catholicorum patrimonium: vix an-
nuos exegerat redditus, cum eos in eorū vsus ac neces-
sitates erogauerat. Hæc aliaq. complura cum cogno-
vissent hæretici tam multas illi struxerunt insidias, vt
sepe in speluncarum tenebras sese abdere, sæpe habi-
tu mendicantis incedere, ne posset agnosciri, sæpe solū
vertere cogeretur. Sed quoniam in sequentium hære-
ticorum & animus & numerus in dies magis augeba-
tur, cuiusdam nostri Patris hortatu sua sq. præsentī
furori cedens ex Anglia Rhotomagum discessit, inde
Remos ad Alanum, à quo deniq. missus in urbem cō-
victoris nomine in hoc collegium receptus est. Hic ea
in obsequendo fuit alacritas, ea custodia legum ac di-
sciplinæ vt non tum primum parere didicisse, sed diu
vixisse ad aliorum videretur arbitrium. Statis diebus
tam acriter se cædebat, vt sanguinē euocaret, id quod
indicat etiam nūc atra cruento flagella: sub nitido ami-
ctu uestes Cilicinas occultabat, & externo cultu fal-
lebat aspectum, qui sese intus setis rigidis atterebat.
Non numerauerim inedias vigilias, & alia huiusmo-
di pœnarum genera, quæ ad coercendum corpus a san-
ctis viris excogitata sunt. De studio tantum depreca-

B 3 ttonis

tionis breuiter dixerim: Cuius mens diuinis int̄eta colloquijs quattuor quinqueue horas ne abisse quidem sentiebat, s̄epeq. ad multam noctem cum in suis lectulis cubarent alij, ipse coram augustissimo Christi corpore precibus excubabat. Duo d̄ Deo v̄hem̄ter optabat vt aut in societate IESV diē suum obiret, aut si d̄ non pr̄staret, certe in causa religionis. Consecutus est alterum; nam non ita multo ante quam migraret ē vita, Societatis factus est particeps. Ex hoc precan-
di studio congressuq. diuino nascebatur tum incredibili-
lis quedam cupiditas obeundi martyrij, tum amor sin-
gularis in eos qui pro Catholica religione occubis-
sent. Iccirco Martyrum basilicas lustrare frequen-
ter, eaque loca celebrare solitus est, in quibus tam
preciosi sanguinis sunt impressa uestigia, ob eamque
causam suis ipse sumptibus, quotquot iam inde à pri-
ma Anglia conuersione ad hanc v̄sque ætatem vitā
pro religione dedissent, eorum imagines in Collegij
templo pulcherrime depingendas exprimendasq.
crauit. Sed hunc ardorem fundendi pro Christo san-
guinis maxime vitæ exitus declarauit. Nam cum à
Summo Pontifice ad eiusmodi munus legaretur, in
quo maxima spes Martyrij ostendebatur, dum nimis
sollicitudine ne laberetur occasio se parat ad iter, pri-
die quam discedendum ei esset peracuta febri corripi-
tur, ex qua non ita multo post excessit ē vita. Hunc
igitur ille casum adeo grauiter tulit, vt cum eo die,
qui mortem antecessit amicos flentes spectare p̄fli-
tos eos & lacrimis prohiberet; quod diceret nullam ijs
lacrimarum esse caussam, quibus adhuc integrum es-
set

set vitam pro Christo ponere: sibi vero maximam, quia
in tam præclara bene moriendi occasione in suo lectu
lo moreretur. Nec continere se potuit quin moestis
vocibus quereretur, & simulacrum Christi comple
xus, quo subinde conuertebat aspectum, illud Prophe
ticum usurparet, Quis dabit capiti meo aquam & ocul
is meis fontem lacrimarum. quibus ille querelis, mi
rum est, quantos motus in eorum qui aderant animis
concitarit. Moriens efferri voluit ad D. Andreæ, & in
Nouitiorum condi sepulchro, eq. Domui aureos reli
quit circiter octingentos. & si hanc pecuniam visum
est postea P. Generali in Anglos inopes ad arbitrium
Alani distribui. De Vrbanis Collegijs hactenus. nunc
ad externa pergamus.

TYBURTINVM ET SENENSE
Collegium.

Vanquam Collegiū hoc in summis iam diu rei
familiaris versabatur angustijs: hoc anno tamē
quæ est admirabilis Dei in suos famulos prouidentia
Summus Pont. vere parens vniuersæ Societatis pria
ratum S. Sabæ Tyburninæ diœcesis attribuit, vnde
annuum rectigal capitur aureorum circiter quingen
torum. In hanc ciuitatem cum alia constant nostrorū
officia, tum illa præcipua; quod cum multi ex infima
turba summa inopia premerentur, Quidam è nostris
certam pecuniæ summam cogendam curauit, eaque in
panes pauperum erogata est: quibus cœlestis doctri
na cibis adiectus magnam horum hominum multitu

B 4 dinem

dinem à præsenti non modo corporis ; verum etiam
animi periculo liberauit. Postquam omnium necessi-
tati consultum est; multæ tamen & panis & pecunia-
rum reliquiæ superfuerunt. vt non ex alio fonte subsi-
dia illa profecta videretur, quam ex eo ipso, qui quon-
dam multitudinem in solitudine paucis pescibus pani-
busque satiauit. Senense Collegium vberem hoc an-
no fructum cum ex alijs Societatis muneribus , tum
maxime ex erudienda iuuentute colligit. declarant le-
ctissimi quiq. è nobilitate discipuli, tum vero frequen-
tia tanta , vt cum tam multos capere Gymnasi angu-
stie non possent; viri nobiles duas nobis exhedras am-
plas & elegantes suo ære construxerint. Duo non par-
uæ spei & expectationis adolescentes , non vulgari
quadam officij laude contenti ad perfectam in Socie-
tate virtutem animum adiecerunt . Sed cum in omne
hominum genus suæ pietatis officia Societas nostra cō-
tulit; tum in eos qui capitali sententia damnati duce-
bantur ad mortem. In his onus cum de quadam animi
obſtinatione nihil remitteret , ne hortatu quidem Sa-
cerdotis nostri, qui ad eum postremus venerat vt vlti-
mum desperatæ vitæ perfugium ; Pater commutata
medicamenti ratione, lenitatem illam suam qua primo
hominem aggressus erat, in speciem quamdam summa
ſeueritatis conuertit . Obiurgare eum vehementer in-
ſtit, hortariq. qui aderant, vt eo neglecto discederet.
Quod si sua sponte animum præcipitaret in tartara-
fore, vt eius post mortem corpus in sterquiliniū & fe-
ces abijceretur. Hoc ille nouo orationis genere permo-
tus illico manus dedit, & quanto antea fuerat obſtina-

iior

ior tanto postea extitit in genere ipso conuersionis il-
lustrior.

COLLEGIVM FLORENTINVM

IN Florentino templo auctus est numerus confiten-
tium, in ijsq. non nulli nobiles ac primarij viri. Se-
nis cuiusdam est excepta Confessio, qui iam septuage-
narius, nunquam ad Sacerdotis pedes acciderat, Nā
de alijs multis quos viginti ipsos annos suis astrictos
sceleribus malus dæmon tenebat, nihil attinet dicere.
Flagitia è ciuitate multa sublata sunt. Quidam autē,
cum ex ipsa coniuge cognouisset, quos sibi pepererat
filios, ex adultero peperisse, ignarus quid consilij cape-
ret, nostros consulit: nostri hominem ubi placarunt so-
latiq. sunt, auctores fuerunt, ut non solum coniugi con-
donaret iniuriam, alienamq. prolem duceret tamquā
suam, cum hoc sine cuiusquam iniuria fieri videretur;
sed etiam vt vxorem ipsam & ad dolorem adduceret
admissi de decoris, & ad reliquā vitam caste integre q.
in cœnobio mulierum traducendam. Multæ feminæ,
quarum pudicitia periclitabatur opera hortatuq. no-
strorum ad cœnobiorum claustra perfugerunt. Sed
præclaris actionibus pares sæpe difficultates aduer-
santur: Itaque dum Pater è nostris feminam, quam
Eques quidam perdite deperibat ad meliore frugem
renovat, Eques ipse prædam sibi dolens ereptam, Pa-
trem statuit nocturno pugione confodere: vt cum do-
mum suam noctu, tanquam ad ægri confessionem exci-
piendam accersisset, tum demum cogitata perficeret.

Sed

Sed cum forte concionantem è Societate quendam disset, repente commutatus animo, ad Collegium addlat; rem totam patri ipsi cui necem meditabatur expnit, supplexq. veniam petit. Quod ad templum attim recens ædificatum, illud admiratione non vacat. Officinam Faber habebat cum nostris ædibus continentem ea ad reliquam exædificationem maxime opus erat. Sed ille vendebat inuitus, ac ne inuitus quidem, nisi ad conditiones descenderes iniquissimas. Nummos poposcit aureos mille, aut agri iugera quæ tanti essent. ea non sine magna rei nostræ iactura à reliqua possessione distrahebantur. Augebat iniquitatem, quod in estimatione soli suo stare volebat arbitrio, & qui sum nobis officinam maioris duplo vendebat, agrum ille nostrum triplo minoris emebat. Ac rem ille quidem pro voluntate transegit, sed non ita multo post gravissimo morbo corripitur, atque eo morbo, qui & corpus exederet uniuersum, & ne leuari medicina posset, artem fugeret medicorum. Causam suspicatus pertinaciæ culam, in quo se ipse flectere debuit, in eo maxime annum obfirmavit. Ira incensus testamento cavit, ne nobis officina alijs conditionibus præter eas, quas ipse tulera, renderetur. In hac tam pertinaci obstinata mente cum mortem iam metueret impendentem, crebrisq. à Deo admonitionibus terroreretur; tandem mutato cor filio nostros aduocat, ijsq. ædes, quibus ante poposcerant conditionibus, nulla facta agri mentione concedit. Vix ad sanitatem redierat mentis cum sanitati restitutus est corporis. Qui autem ad vendendas ædes huius flexit ingenium; is ad suppeditandum gra-

tis
inc
sili
M
du
ren
tim
lan
qua
ran
don
flip
gna
tis
con
rib
dot
eff
tor
ba
vi
cap
no
mi
de
cor



tis argentum; unde ædium domino solueretur, ceteros
incitauit. itaque statim templum non sine diuino con-
silio nutuq. exedificari cœptum est.

COLLEGIVM PERVSINVM.

Multa huius Ciuitatis in Societatem extant of-
ficia. Atque ut genus tantum attinga. Patres
duo ante quam publicis se religionis votis obstringe-
rent, dum pendentibus manticis stipem rogitant ostia-
tim, rati ciues, eos ad querenda vitæ subsidia stimu-
lante necessitate compulsoſ; tantum panis nummorū-
que temporis pene momento contulerunt, ut sæpe one-
rari, exonerariq. manticas oportereſ. Qui vero suis
domibus abfuerunt, re postea cognita, suam quoque
stipem ad Collegium submiserunt. nec prius beni-
gnitati factus est modus, quam ut certiores de Societate
instituto facti ſunt. Sed dum ciuibus de nostrorum
corporum salute, nobis de illorū & animis & corpori-
ribus curæ fuit. Et ut leuiora mittamus, insigne Sacer-
dotis nostri facinus non præteribo, Cauponi cum mors
effet illata, & in quæſtionem famulus datus, admotis
tormentis, annuit à ſe commiffum eſſe facinus, ſociosq.
habuisse rusticos duos. postulati in quæſtionem rustici,
vi cruciatum pari imbecillitate vincuntur. Sententia
capitali damnatos mors ſequebatur: ſed ut iniectos in
nocentium iugulis laqueos falsus index aspergit, inti-
mis religionum ſtimulis agitatus, erratum ſuum Patri
detegit. cuius consilio ut religione animum ſolueret,
coram ijs, qui præſentes aderant, rusticorum prodidit

inno-

innocentiam. Nec tamen Iudex sententiam, quam iu-
lerat, reuocabat. ducebantur nibilominus insontes ad
mortem, nec procul aberant a suspendio, cum commo-
ne factus a Patre iudex de re tota cœpit animo ve-
mener addubitare: reuocatisq. ex itinere reis, iubet
iterum constitui de cœde quæstionem. Cognita quam
diligentissime causa cum iure damnati viderentur, ite-
rum truduntur ad mortem. Sed diuino consilio fuisse
repente imbribus, iterum dies necis extrahitur. inter-
im proditur cœdis auctor & rusticorum innocentia
patefit. Ita tres homines simplices non sine peculiari
diuinæ prouidentiæ beneficio, quæ numquam deserit
sperantes in se, præsentissimo periculo liberantur. &
si illi quidem æquissimo animo se mori dicebant, quia
quamvis homicidij culpa vacarent; tamen quoniam
multa peccassent in vita, quotidieq. apud Deum offen-
derent, merito plecterentur. Hoc nostrorū factum mi-
risice vniuersa ciuitas extulit: Quin ipse Quæsitor no-
stris hominibus gratias egit, quod per eos vitam inno-
centibus reddidisset, iussitq. consolationem aliquam
adhiberi tormentis & carcere fatigatis; & vero ipso
metu mortis exanimatis. Beneficium Dei Matris hoc
fuit, ut homines iam collum in laqueum inferentes in-
columes seruarentur. quare paucis post diebus è tor-
mentorum laboribus recreati ad Lauretanam adem,
ut pro incolmitate sua vota persoluerent, suspensa
de collo restे, nudis pedibus incesserunt. Atque his
quidem vita corporis restituta, alijs etiam animi. Mu-
lier erat infamis, quam etsi regius morbus urgebat; ita
mē cines ad se nobiles forma & lepore pellegerat: ita

vna muliercula pestis erat otiosæ ac lubricæ iuuentutis, tum propter iacturam rei familiaris, tum propter morbi contagionem, quæ non modo ad honestas adulterorum coniuges, sed etiam ad teneros liberos permanebat. quin etiam inter ipsos quoque riuales eæ sunt exortæ discordiæ, ut quotidie spectare viderentur ad cedem. Dei miseratione factum est ut nostris adiutoriis & sacerdote quodam externo non sine omnium admiratione è turpitudine sua mulier emergeret, & vna extincta face plura restinguenterur incendia. Hæc in hoc Collegio præcipua. Octo autem ad Societatem adiuncti sunt.

LAURETANVM ET

reliqua Collegia.

Et hoc Sanctissimæ Dei Matri beneficio Lauretanæ ædi præcipuum, ut qui hic religionis causa confluerint, quorum ex omni terrarum ora infinitus est numerus, eorū fere nemo ante discedat, quam magno quodam animi sensu confessione maculas abluat. Sic ingens meritorum campus nostris Sacerdotibus aperitur, dum in excipiendis confessionibus matutina tempora cum vespertinis, diurna cum nocturnis sæpe coniungunt. Quadrinerti circiter auditii sunt, qui iam inde à primis annis peccata repeterent. Nam qui animum triginta & quadraginta annorum soribus obsoletum confessione lustrarint, eorum nullus certus est numerus. Vir nobilis, domi suæ princeps, qui alieno animo erat à nobis cum Dei Matrem salutatum venisset, multisq. nostrorum exceptus esset officijs, ita Societati conciliatus est vniuersæ, vt cum do-

mum

30 PROVINCIA

num redisset, ab eius loci Prouinciali duos postularū
ē nostris, quos cum impetrasset, in omnem sue ditionis
oram concionandi docendi causa dimisit.

E Maceratensi Collegio Pisaurū missi sunt duo vi-
bini ducis rogatu, qui ita se Duci ipsi nobilitatiq. proba-
rūt, vt in digressu magnū apud eos Societatis desideriū
reliquerint. Traditæ sunt meditationes nostræ Religo
so cuiusā viro sui Moderatori cœnobij, qui postea in ser-
mone significans, quanta in ijs meditationibus vis ines-
set, Quam mihi, inquit, mei dissimilis videor, ex quo ve-
stris meditationibus vti cœpi? In Recinetensi Collegio
Episcopi rogatu schola instituta est eorū qui consci-
entiæ casibus operam dant.

MISSIO CONSTAN-
tinopolitana.

P Eræ quæ cum Constantinopoli pene continens est
(solo enim maritimo portu sciungitur) septemde-
cim fere Christianorum familiæ versantur, præter ma-
gnum numerum captiuorum. Hi cum de nostrorum
cognouissent industria fructuq.; ne inter Christiphores
animorum salus periclitaretur, datis ad summum
Pont. litteris, aliquos postularūt ē nostris. Ad eorum
domicilium coenobium quoddam a coenobitis iam an-
te desertum vna cum templo B. Benedicto sacrum, cer-
tamq. pecuniæ summam in annuos redditus obtulerūt,
summumq. Pont. obsecrarunt, vt nisi id esset satis, re-
liqua ipse suppleret. Hæ litteræ quo plus haberent
ponderis Galliæ legatus ad eum, qui eiusdem Legatus
est Regis ad Pontificem Max. Romam scripsit, cau-
samque nostram seu potius illorum Christianorum flu-

diosissime commendauit. Pontifex pro paterna cura ac vigilantia non modo rem vehementer approbauit, verum etiam nostris abeuntibus ad eum, quem dixi legatum litteras dedit; quarum ille vi atque auctoritate id quod nominaui coenobium ad nos translulit. Quinque eo sunt missi de nostris, qui Peram cum attigissent, & si morbo implicitum Galliæ legatum offenderant, a Venetorum tamen legato perhumaniter sunt excepti. Hic omnium maxime auctor fuisse dicitur nostrorū aduentus, induxisseque tum Christianos illos ad eas quas dixi litteras conscribendas, tum Gallicum legatum ut huic ipsi rei adiutorem se fauoremq. praberet. Sed alterius legati beneficentia cum alterius humanitate certauit. Venetus instrumentum ferre omne domesticum apparauit, commeatum perpetuo misit, & griseo medico medicamentisq. subuenit. Tempore plū multa variaq. veste ditanuit. Galliæ legatus cū multa huiusmodi largitus est munera, tū ornatus quosdā Sacerdotis è vestis genere pretioso, quā à Rege Turcarū muneri loco cū in Galliam reuerteretur, accepit.

Per aëstatem sœua pestilentia laboratum est, & quanquam illa quidem late serpebat, & aedes prope nostras inuaserat: tamen singulari diuinæ prouidentiae munere, liberi ab ea nostri fuerunt. Sed non semel diuina bonitas suos famulos à periculis vindicauit. Iam Nostris parabantur insidiæ tanquam exploratoribus Romani Pōtificis, cū eos venetorū legatus admonuit, ut diuinis se se præsidijs armarent, cuius consilium nostri non negligendum rati ardenti studio se contulerunt ad preces. Dedit Deus felicem exitū rei.

nam



nam idem postea legatus cum ad nos venisset gratia sunt, inquit, vobis agendæ Deo, qui certum à vestris capitibus exitiū repulit. Ille ipse qui Regi primus ejus à consilijs, quiq, vniuersas res administrat sua vocis defendit, te statusq. est vestram innocentiam sibi esse perspectam. Nostros autem Turca ille tum nouerat, cum ad eum à Galliæ legato deducti eius patrocino commendati sunt, quod fidem legatus ficeret, nostros esse homines religiosos simplicesq. quorum manus esset aliorum commodis salutiq. seruire, eosque iumentum nulla mercede bonis artibus bonisque moribus instituere. quam rem ille admiratus, Viros bonos necessitate est, inquit, esse qui aurum nummosque repudient. Atque ita eorum se patronum fore recepit.

Præcipius fructus è captiuis seruisq. colligiuntur, quorum ut dixi magna est multitudo. Sed Italorum pars maxima: ij ducenti triceniq. varijs in ergastulis retinentur. Quibus ut opis aliquid afferatur quoniam ad opus prima luce discedunt, per noctandum cum insisis est. In ijs multos reperias, qui diu sacramentorum munere careant. Non nulli tamen quibus est aliquid aeris custodem suum eo sibi conciliant ut exire liceat aliquantis per ad templum, ubi et sacramentis animos expiat et de more sacris intersunt. Per Christianorum templa libera sunt, Campanas tamen Turcae non ferunt. ceterum diuina peraguntur officia que libere ut in Italia. E Christianis multi, præser-tim mulieres cum Italice nesciant aliquem requirunt è nostris, qui Græce norit. ita magna speratur utilitas. Hæc de Romana Provincia. nunc de ea, que proxima est Neapolitana dicamus.

PRO